

«ՎԻՔԻԱԿՈՒՄՔ» ԽՄԲԱԿԻ ԾՐԱԳԻՐ
Շաբաթական` 1 ժամ, տարեկան` 34 ժամ
2023-2024 ուսումնական տարի

Կազմող` Կոտայքի մարզի Ջրվեժի միջնակարգ դպրոցի
պատմության և հասարակագիտության ուսուցիչ
Կարախանյան Գայանե

ԲԱՅԱՏՐԱԳԻՐ

«Վիքիակումբ» խմբակը արտադասարանական գործունեության ամենակարևոր տեսակներից մեկն է: «Վիքիակումբ» խմբակի օգնությամբ աշակերտները սովորում են աշխատել հայերեն Վիքիպեդիայում և մյուս քույր նախագծերում: Աշակերտները սովորում են խմբագրման հիմնական կանոնները, տեղեկանում նոր գործիքների մասին, իսկ խմբակի ղեկավարը հետևում է նրանց ստեղծած հոդվածներին:

«Վիքիակումբ» խմբակի հիմնական նպատակն է դպրոցականներին մասնակից դարձնել Վիքիպեդիա ազատ հանրագիտարանի խմբագրմանը, պայմաններ ստեղծել նրանց ազատ ժամանակն օգտակար և արդյունավետ դարձնելու համար: «Վիքիակումբ» խմբակի մասնակիցները ոչ միայն զարգացնում են հայերեն Վիքիպեդիան, այլև ինքնակրթվում են, սովորում են նյութը համապարփակ ուսումնասիրել, տարբեր աղբյուրներ օգտագործել, զարգացնել քննադատական մտածողությունն ու մեդիագրագիտությունը:

«Վիքիակումբ» խմբակի գործունեության շրջանակներում զարգանում են նաև սովորողների՝ մեկը մյուսին օժանդակելու, համագործակցելու, իրարից սովորելու կարողությունները և պատասխանատվության զգացումը, որոնք շատ կարևորվում են նոր ՀԴՁ-ում:

ՆՊԱՏԱԿՆԵՐԸ

- Ներկայացնել աշակերտներին ամենահաճախ այցելվող տեղեկատվական կայքերից մեկի՝ Վիքիպեդիա, ազատ բովանդակությամբ, բազմալեզու հանրագիտարանի գործունեության սկզբունքներն ու նպատակները
- Ծանոթացնել հայերեն Վիքիպեդիայում խմբագրման հիմնական կանոններին և գործիքներին
- Ձևավորել և զարգացնել Վիքիպեդիայում խմբագրման հմտություններն ու կարողությունները
- Նպաստել հայերեն Վիքիպեդիայում բացակայող կարևոր հոդվածների ստեղծմանը
- Արժևորել գրագետ ու արժանահավատ մեդիա բովանդակության ստեղծումը

ՎԵՐՋՆԱՐԴՅՈՒՆՔՆԵՐԸ

Խմբակի անդամները կկարողանան՝

- գրական հայերենով ստեղծել տարբեր թեմաներով գրավոր խոսք՝ հոդվածներ հայերեն Վիքիպեդիայում (Մ1)
- անկողմնակալ և առանց նախապաշարմունքների վերաբերվել ենթադրություններին, կարծիքներին և արժեքներին, վերլուծել հասանելի տեղեկույթը (Մ24)
- ուսումնասիրել և ընդլայնել սեփական ուսումնառության և փորձառության հնարավորությունները՝ դրսևորելով շարունակական ինքնազարգացման վարքագիծ (Մ25)
- քննադատաբար վերլուծել տեղեկատվությունը, հասկանալ մեդիա ուղերձների ստեղծման գործընթացը (Մ27)
- ստեղծել մեդիա բովանդակություն և տարածել իր ասելիքը մեդիայի տարբեր հարթակներում՝ գիտակցելով դրա հետևանքներն ու ազդեցությունը, պահպանելով էթիկան և համացանցից օգտվելու անվտանգության կանոնները (Մ28)
- ուրիշների հետ համագործակցելով և ինքնուրույն ձեռք բերած գիտելիքը կամ գործնական արդյունքը ներկայացնել հայերեն Վիքիպեդիայում տարբեր հոդվածներ ստեղծելու միջոցներով (Մ29)
- իր առջև դնել նպատակներ, մշակել դրանց հասնելու ուղիներ և լինել հետևողական (Մ32)

ԲՈՎԱՆԴԱԿՈՒԹՅՈՒՆ

Խմբակի աշխատանքը արդյունավետ իրականացնելու համար անհրաժեշտ են համակարգիչներ և համացանց մուտք գործելու հնարավորություն: Խմբակի անդամների աշխատանքը իրականացվելու է <https://hy.wikipedia.org/wiki/>՝ հայերեն Վիքիպեդիայում, օգտագործվելու են նաև՝ <https://en.wikipedia.org/wiki/Wikipedia> և <https://ru.wikipedia.org/wiki/> էջերը:

ԽԱՐԱԿԻ ԹԵՄԱՏԻԿ ՊԼԱՆԱՎՈՐՈՒՄ /տարեկան/

| Հ/Հ | Բովանդակություն | Նպատակ | Ժամանակ | Նշումներ |
|------------|---|--|-----------------------------|-----------------|
| 1. | Ներածություն | Ներկայացնել աշակերտներին Վիքիպեդիա, ազատ բովանդակությամբ, բազմալեզու հանրագիտարանի գործունեության սկզբունքներն ու նպատակները | 1-ին շաբաթ /1 ժամ/ | |
| 2. | Հայերեն Վիքիպեդիայի խմբագրման կանոններն ու գործիքները | Ծանոթացնել Վիքիպեդիայի խմբագրման կանոններին ու գործիքներին, ստեղծել մասնակցային հաշիվներ | 2-րդ, 3-րդ շաբաթներ /2 ժամ/ | |
| 3. | Հայերեն Վիքիպեդիայում բացակայող կարևոր հոդվածներ | Ուսումնասիրել Հայերեն Վիքիպեդիայում բացակայող կարևոր հոդվածների ցանկը, ընտրել հոդվածներ խմբագրելու համար | 4-րդ շաբաթ /1 ժամ/ | |
| 4. | Հոդվածների ստեղծում կամ բարելավում | Ստեղծել նոր կամ բարելավել արդեն գոյություն ունեցող հոդվածները հայերեն Վիքիպեդիայում | 5-14-րդ շաբաթներ /10 ժամ/ | |
| 5. | Ամփոփում | Վերլուծել և ամփոփել առաջին կիսամյակում խմբակի կատարած աշխատանքները | 15-րդ շաբաթ /1 ժամ/ | |
| 6. | Հոդվածների ստեղծում կամ բարելավում | Ստեղծել նոր կամ բարելավել արդեն գոյություն ունեցող հոդվածները հայերեն Վիքիպեդիայում | 16-30-րդ շաբաթներ /15 ժամ/ | |

| | | | | |
|----|-------------------|---|---------------------------|--|
| 7. | Ամփոփում | Վերլուծել և ամփոփել երկրորդ կիսամյակում խմբակի կատարած աշխատանքները, ներկայացնել հաշվետվություն | 31-32-րդ շաբաթներ /2 ժամ/ | |
| 8. | Պահուստային ժամեր | Այցելություն Վիքիպեդիայի գրասենյակ, հանդիպումներ փորձառու խմբագիրների հետ | 33-34-րդ շաբաթներ /2 ժամ/ | |
| 9. | Ընդամենը | | 34 ժամ | |